

宋朝大詔令集

宋朝大詔令集卷第六十六

宰相十六

罷免二

王欽若罷相除太子太保歸班制

天禧三年六月甲午

門下承弼之臣寄任尤重所以運動樞機感會於天人鎮靜邦家親附於黎獻苟或頸膺柄用履歷歲時宜有均勞式昭同德開府儀同三司行尚書左僕射兼中書侍郎同中書門下平章事充景靈宮使上柱國太原郡開國公王欽若才術精敏機慮研深擢秀儒科飛名俊域早由慎東歷踐榮途顧待非常寵靈殊等樞庭任職常恭惟懼之謀台席代工遂委變諧之寄載司銜軸能率典異言念勤庸俾諧優逸命傳儲禁聿隆表儀無忘壯猷往踐厥位可太子太保歸班

寇準罷相太子太傅歸班封萊園公制

天禧四年六月丙申

王者倚注相臣必舉時咨之命體貌舊德乃推優協之恩惟望實以  
素隆在眷懷而斯厚推忠協謀同德守正佐理功臣開府儀同三司  
行尚書左僕射兼中書侍郎同中書門下平章事充景靈公使集賢  
殿大學士上柱國上谷郡開國公食邑一萬二百戶食實封三千七  
百戶冠準宏材博達敏識周適久於踐揚茂著風采嘗內幹於機密  
亦出摠於蕃宣氣序屢更罷任尤重洎再謀於揆政實專委於國權  
恪居樞會之司益顯勤勞之志矧以詔令所出朝廷式瞻既久洽於  
和平亦重煩於蕃爰加霈渥俾解鴻鈞升宮傳之崇資啟國封於  
寧宇仍移美號益表隆恩於戲輔相之宜邦之攸賴用舍之際朕安  
敢私往踐履官毋忘恭順可特授太子太傅歸班制封萊國公仍改  
賜推誠保德崇仁宗亮翊戴功臣散官勳如故主者施行

丁謂罷相授戶部尚書歸班制

天禧四年十一月戊辰辛巳  
遣入內都知張景宗副都知

鄧守通傳詔送謂  
赴中書依舊視事

朕順重名器眷待鈞衡矧首領於謨明罔常加於體貌黜陟之際典  
章繁焉金紫光祿大夫吏部尚書中書門下平章事充玉清昭應宮  
使昭文館大學士監修國史上柱國濟陽郡開國公丁謂粵自儒流  
夙逢嘉會備更重職素有能名忝宰輔之告猷陟齋壇而授律來朝  
丹陛再列近司亞正振庭墜冠台衮朝夕納誨方深於倚毗寵辱若  
驚宜循於軌範遽致周列面與訓辭實駭予聞有傷國體俾解調元  
之任尚居顯列之崇汝惟欽哉荷此申警可戶部尚書歸班

李迪罷相授戶部侍郎歸班

天禧四年十  
一月戊辰

衡軸之司棟幹攸寄所以昭夕延見動靜咨訪苟矣民瞻必伸朝憲  
金紫光祿大夫行吏部侍郎兼太子少傅同中書門下平章事充景  
靈宮使集賢殿大學士上柱國龐西郡開國公李迪策名殊等奮跡

亨逢亟推雋於深嚴極為儒之榮遇未踰一紀泰預近廷勳力自強  
能名亦著采其懿望賓於東朝載陟台階是司大柄宜尊禮範用鎮  
時風當旅對之揚廷忽抗言而興憤駭予聞聽厥有異章爰罷宰司  
式存寬典爾惟循省無益悔尤可戶部侍郎歸班

丁謂罷相謫太子太保分司西京

乾興元年六月

上宰之司財成於百度大臣之舉稽正於四方其或理道有虧修身  
寡慎比周非類玷辱具瞻當我至公之朝難居蔽假之令具官丁謂  
夙成委遇遂極顯榮而罔念圖猷密交孽寺致山園之擅易曾靡敦  
陳形簡札以潛通備彰款眩私營器用竊投工徒證左甚明違辟斯  
顯宜從黜免用肅群倫俾降秩於春坊仍分曹於洛邑猶存進退之  
禮且示含容之懷噫威實自貽智不慮遠未為竄謫無忘省循可降  
授金紫光祿大夫守太子太保分司西京

張士遜罷相出知江寧府制 天聖七年二月丙寅

入幹萬機以總代天之職出倡九牧以宣美俗之風維時輔弼之賢  
迭為朝廷之任其頌明制以告治庭推忠協謀佐理功成持進行禮  
却尚書同中書門下平章事集賢殿大學士上柱國清河郡開國公  
食邑四千三百戶食實封一千四百戶張士遜識用沖深器懷沈遠  
早從朝路既陪東學之游肆異天飛遂正中階之列秉節在位宣勞  
有年念經邦務之煩庸寄藩符之佚天臺之峻司寇帥於五刑澤國  
之饒秣陵都於一會載更顯序往布寬條於戲君之遇臣要始終而  
盡禮下之報上無出處而或渝允迪乃休以服朕命可時授刑部尚  
書知江寧府兼管內勸農使改賜推誠保德翊戴功臣

張士遜罷相刑部尚書知江寧府制

與實錄不同  
重載於此

萬機之會任切於國鈞六官之御秩崇于朝著惟出處之更踐表恩

禮之周隆仍委翰垣益彰眷遇推忠協謀佐理功臣特進行禮部尚書同中書門下平章事集賢殿大學士上柱國清河郡開國公食邑四千三百戶食實封一千四百戶張士遜中和夷粹染易教方蘊智用以惟精竭德名而逾劬夙因時選荐著官成朕業在藩儲賓延儒彥振春華之望久侍於銅樓參畫訪之謀旋升於丹地速於鑽嗣彌厚罷嘉擢從近擬對執魁柄聿茂度恭之節載申叶贊之謀以其自列弼臣預聞機事便蕃左右貿易歲時備觀陟恪之勤式示袞優之旨天臺之峻司寇率於五刑澤國之饒秣陵處乎都會俾遷華序往布寬條資息偃以攸寧賴撫綏而有謚於戲君臣之義期篤於始終台宰之司攸深於體貌解其重務服在大僚不亦美歟無忘欽率可特授刑部尚書知江寧軍府事兼管內堤堰橋道勸農使仍改賜推誠保德翊戴功臣散官封勳食實如故

王增罷相知兗州制天聖七年六月甲寅

朕紹膺丕緒臨撫群元內資輔弼之良外倚蕃宣之重君臣之遇出處攸同推忠協謀同德守正佐理功臣開府儀同三司行門下侍郎兼吏部尚書同中書門下平章事充玉清昭應宮使昭文館大學士監修國史上柱國太原郡開國公食邑六千戶食實封二千三百戶王曾學洞聖機識窮物表早冠倫於多士存宣力於先朝逮予續承尤所倚囑爰定謀於枚卜遂擢寘於冢司眷言靈宮總在宰職追惟丈考之奉具有列聖之祠妖煽挺災一夕而既俾行勞於禹路且賦政於師垣矧惟累牘之陳時乃素懷之遂於戲事君盡禮維舊德之靡違親過知仁亦至公之難廢勉膺明命徃惟欽哉可持授依前行吏部尚書知兗州軍州事兼管內勅農使及管勾兗州仙源縣景靈宮太極觀公事仍改賜推誠保德崇仁忠亮翊戴功臣



呂夷簡罷相授使相判澶州制明道二年四月

門下我國家欽崇保命撫育縣區必求絕俗之才以副經邦之寄其  
有久居政府夙冠台司著績用以滋多執謙沖而愈甚俾遂蕃宣之  
志用功勞速之宜推忠協謀同德守正佐理功臣開府儀同三司行  
門下侍郎兼吏部尚書同中書門下平章事昭文館大學士監修國  
史上柱國東平郡開國公食邑八千戶食實封三千三百戶呂某道  
本中和行存端厚早負彌綸之業每彰優裕之聲尹正邦畿繼聞善  
治叅禪宰府屢進忠言違膺命相之求彌顯致君之畧動遵舊典靜  
守常規山甫保躬不違明哲若翁行事固失便宜歲月漸深謀猷益  
著以至刊修詔令我成國書營繕宸居獨諧緼禮事光簡策名播華  
戎何寵利之不居惟恬和而是務斯用升節旄於近鎮視帝傳之崇  
資併增采邑之封仍改褒功之號俾臨巨屏用示優恩於戲入輔出

藩盡賢人之美事進禮退義協聖典之格言服我嚴章無忘勵翼可  
特授檢校太傅同中書門下平章事使持節鄆州諸軍事行鄆州刺  
史充武勝軍節度鄆州管内觀察處置等使判澶州軍州事管内河  
堤勅農使加食邑一千戶食實封四百戶仍賜推誠保德崇仁忠亮  
翊戴功臣散官勳封如故

張士遜罷相判河南府制 明道三年十月戊午

輔相之事蓋專國政蕃宣之寄以牧民異惟逸勞之是均豈出處之  
為異推忠協謀同德佐理功臣特進行門下侍郎兼兵部尚書同中  
書門下平章事昭文館大學士監修國史上柱國清河郡開國公食  
邑九千二百戶食實封三千五百戶張士遜學貫通變行篤忠沈傳  
羽翼於初潛契股肱之一德秉節據正允蹈忠臣之風經事造微能  
成天下之務亂至而心益戒望高而氣愈沖宜升揆路之華聽守留

都之重於戲文昌百僚之長此屬於老成洛邑四方之中寔資於保  
治往綏厥位以服予恩可特授尚書左僕射判河南府兼西京留守司  
群牧勸農使加食邑五百戶食實封二百戶仍改賜雅誠保德崇仁  
翊戴功臣

張士遜罷相授使相判許州制

士遜以左僕射罷告射生揚  
崇勲口口改命使相銜當耕

除左僕射乃  
用舊銜設

門下上相之文炳太微之右諸侯之秩分列土之封儻全德之著稱  
則兼榮而成事時茲碩望誕布湛恩告于玉庭光斯閭寄推忠協謀  
同德佐理功臣將進行門下侍郎兵部尚書同中書門下平章事昭  
文館大學士監修國史上柱國清河郡開國公食邑九千二百戶食  
實封一千五百戶張士遜言成軌範氣稟中和行積厚而表倫文含  
英而華國夷險一致出入三朝自朕主鬯之辰皆乃為賓之助洵歷

振袞速授麾旄入居台階雅為邦柱錫爾爵扶車典服而以庸寇乃  
崇公名將實而相輔總因山之卜吉行舍新而策勳引居多寅恭  
可亮是用付之將猷兼以鼎司殿襄漢之巨藩加主轅之常賦飾之  
美璫重以維師簡自朕心協茲耆德於斯注安危之意者在乎所任  
被富貴之崇者戒乎執規况夙踐於要司今復更於劇委往服丕訓  
永保令猷可特授檢校太師同中書門下平章事使持節襄州諸軍  
事行襄州刺史充山南東道節度襄州管内節度處置等使判許州  
軍州事兼管内堤堰橋道勸農使管內開治溝洫河道事加食邑一  
千戶食寶封四百戶仍改賜推誠保德崇仁翊戴功臣散官勳封如  
故主者施行

李廸罷相進刑部尚書知亳州制

景祐二年  
二月戊辰

朕統臨寰宇審求輔相倘式昭於物議雖久處於台司宜告在廷俾

從罷秩推忠協謀佐理功臣光祿大夫行工部尚書同中書門下平  
章事集賢殿大學士上柱國龐西郡開國公食邑二千五百戶食實  
封二千戶百戶李迪早逢昌會式展嘉猷嘗參護于儲宮遂延登于  
政路乃姻聯之內險詐相明靡先事而上言願為臣而有隱豈可更  
居聚職以肅朝章且出守于便藩尤加榮於憲部仍陪多賦以禮舊  
臣於戲其代天工當絕近私之蔽乃心王室毋懷去任之憚往而省  
思尚克祇服可特授刑部尚書知亳州軍州事兼管内勸農使加食  
邑五百戶食實封二百戶仍改賜推忠保德明戴功臣

呂夷簡罷相判許州制

景祐四年甲子

持衡宰路以裁萬化之宜授節齊瓊以總元戎之略豈出入之有異  
蓋勞逸之是均爰擇剛辰誕告列位推忠協謀同德守正亮節佐理  
功臣開府儀同三司行尚書右僕射兼門下侍郎同中書門下平章

事昭文館大學士監修國史上柱國申國公食邑一萬二千戶食實  
封四千九百戶呂夔簡黃中通理明允篤誠克肩一心以廣庶績佐  
時論道十有六年頃從价藩還寇台席方茲倚賴同底治平而歲暮  
之間囊封十上願解要劇以圖便安直加將鉞之崇兼視師垣之貴  
褒功益賦崇示寵休於戲中外迭居莫如將相之重終始一節實契  
君臣之知勉率訓詞益宣令問可特授檢校太師同中書門下平章  
事使持節陳州諸軍事行陳州刺史充鎮安軍節度陳州管内觀察  
處置等使判許州兼提堰橋道勸農使及開治溝洫河道事加食邑  
一千戶食實封四百戶仍改賜推誠保德崇仁守正忠亮翊戴功臣

王曾罷相授大資政判鄆州制

同前

朕紹膺丕構統御庶邦用髦萬幾之繁並建四輔之職其有久任國  
事屢奏囊封宜解近司用昭美志推忠協謀同德守正亮即佐理翊

戴功臣開府儀同三司行尚書右僕射兼門下侍郎同中書門下平  
章事集賢殿大學士上柱國沂國公食邑一萬一千八百戶食實封  
四千八百戶王曾誠存方格識蘊精敏感遇先朝踐揚臚仕連續承  
於大緒尋擢正於台衡實賴嘉謀共熙庶績願閑勞於政路宜鈞返  
於藩符進長中堂之班兼榮祕殿之職褒功易號疏邑陪封式是茂  
恩以復優顧於戲儀刑百辟協宣左右之勞體貌大臣務全進退之  
禮往祇明命姑徇私懷可特授行尚書左僕射充資政殿大學士判  
鄆州軍州事兼管內河堤勅農同群牧使加食邑七百戶食實封三  
百戶仍賜推誠保德崇仁守正協恭忠亮翊戴功臣

宋朝大詔令集卷第六十七

宰相十七

罷免三

王隨罷免建節制寶元元年三月戊戌

東鈞之府既啓上宰之謀經武之才亦仗元戎之略式頒明制誕告  
外廷推忠協謀同德佐理功臣金紫光祿大夫門下侍郎同中書門  
下平章事昭文館大學士監脩國史上柱國琅琊郡開國公食邑四  
千四百戶食實封一千戶王隨器業宏深才猷敏達自贊襄于袞賦  
旋提領於星樞簡于朕懷付以魁柄絲厲精而宣力久結疾以愆和  
疊上奏函懇解政路謀微滋至夷退可嘉靡欲機務之煩重勞耆舊  
之德是用擇於近屏建以高才庶勞台鉉之司仍親師臣之秩於戲  
辭隆釋重脚遂於素懷味道養恬勉綏于吉履祇服渥命益宣令猷



可特授太傅同中書門下平章事使持節曹州諸軍事曹州刺史充  
彰信軍節度曹州管内處置觀察等使加食邑一千戶食實封四百  
戶仍改賜推誠保德崇仁相戴功臣

陳亮佐罷相建節判鄭州制 同前

亮采奮庸方委持衡之重避崇避寵宜推從欲之私誕舉徽章字告  
列位推忠協謀佐理功臣金紫光祿大夫行尚書戶部侍郎同中書  
門下平章事集賢殿大學士上柱國潁川郡開國公食邑五千戶食  
實封二千戶陳亮佐沖和挺質懿厚脩身視履存乎時中力學採乎  
古始內外更踐滯榮相叅間自近司出臨巨屏載圖舊德擢正中偕  
協調台鼎之和對掌神機之務遽因災異繼有奏陳援漢家賜策之  
文徇申伯于蕃之志屢形詔諭固執確衷仍疏寵于齋壇俾薰榮於  
將紼陪京右地姑以優賢於戲君子得進退之宜用符于終吉大臣

無出處之間要盡于一心往卓吾民實均於倚可特授檢校太傅同  
中書門下平章事持節蔡州諸軍事蔡州刺史充淮康軍節度蔡州  
管内觀察處置等使判鄭州軍州兼管内河堤勸農使加食邑一千  
戶食實封四百戶改賜推誠保德翊戴功臣

張士遜致仕制 康定元年五月壬戌

東鈞當國進以儀於官師告老於朝退以厚於風俗去就以禮古今  
所難宜推高懷誕布列位推忠協謀同德守正在理功臣開府儀同  
三司行門下侍郎兼兵部尚書同中書門下平章事昭文館大學士  
監脩國史上柱國鄆國公食邑一萬二千戶食實封五千一百戶張  
士遜志尚恬約器涵冲深遠事真朝參輔未即志嘉一節夙夜無渝  
導命樞庭慎翊萬微之要調元宰路翕宣庶政之和乃懸上於印章  
願退休於田野載旌茂節以傳龍光用居師臣之班仍恢國土之祚

歲時之會朔望以朝恩教便蕃實出朕意於戲功成身退蓋本道家  
之常憲老乞言尚希停史之益往綏德履伴介壽期可特授太傅致  
仕進封鄧國公加食邑七百戶仍改賜推誠保德崇仁忠亮守正功  
臣宜朝朔望及大朝會並殿中書門下班

呂夷簡守太尉加恩制慶曆三年九月戊辰

同寅協恭和衷則帝謀遂遠功名遂身退乃天道之常眷言耆哲  
之臣屢形高尚之請特推異教以示群倫推誠保德宣忠亮節崇仁  
協恭守正翊戴功臣開府儀同三司監脩國史守司徒兼譯經潤文  
使上柱國許國公食邑一萬八千六百戶食實封七千三百戶呂夷  
簡當世傑才為國重器遠自聖考服在邇聯肆予沖人延登上宰出  
入中外勤勞夙宵間以幾務之煩寢嬰疾恙之劇懇陳封奏願解鈞  
衡拒之再三確然不已姑循靖退之節以屬恬淡之風於戲臣享全

名得進退之道君明大義貴終始之恩並保至和以終遐壽可特授  
守太尉致仕加食邑七百日食實封三百戶宜朝朔望及大朝會並  
綴中書門下班仍令所司擇日備禮冊命

晏殊罷相工部尚書知潁州制慶曆四年九月庚午

夫乾台之任曷足承君奮時謨明均國休戚朕既不敏委政輔臣冀  
成新金之情以濟涉淵之懼苟抹茲道疇為協恭推忠協謀佐理功  
臣開府儀同三司行刑部尚書同中書門下平章事集賢殿大學士  
燕樞密使上柱國臨淄郡開國公食邑一萬五百戶食實封三千一  
百戶晏殊夙有雅才被遇文考實參儲案之選因附天鱗之筆程其  
器能與我朝柄或間守屏翰或主領刺煩比緣樞省之勞遂正冢司  
之總屬邊場日驟調攘煩興老師留也盱食焦慮而罔念艱疲頗圖  
晏安廣營產以殖私多役兵而規利致乃公論達於予聞永惟宰輔

之方思全進退之禮得上機改秩冬官仍委州邦且遇京邑於戲  
承弼未驗罷免所宜眷舊人之弗忘匪至公之獲已當體恩遇毋忘  
省循可特授行工部尚書知潁州軍州事管內勸農使管內開治河  
道事散官勲封食邑食實封如故

杜衍罷相進左丞知兗州制 慶曆五年正月丙戌

天子不正責之輔三公無備惟其人其有師表百僚踐更二府雖夙  
夜之匪懈眷春秋之已高以至公而升以至公而退宜作明命以告  
大庭推忠協謀同德左理功臣光祿大夫尚書吏部侍郎同中書門  
下平章事兼樞密使集賢殿大學士上柱國京兆郡開國公食邑三  
千八百戶食實封一千二百戶杜衍夙以威明應於撫仕孤風足以  
鎮浮俗遠識足以造機微若時奮庸亦既滋久煩以審宣之績入參  
帷幄之疇嘉爾奉職之勤助予厲精之治而自居鼎輔協巖瞻願

彰用比之封難處。咨謀之治。願群議之莫違。豈舊勞之敢私。文昌綱  
轄之資。由卓庵持之。寄俾特膺於出守。仍改賜於獲功。當體素懷。尚  
祇優數於戲公台之位。本上代於天工。岳牧之臣。亦下及於民澤。往  
帥乃職。厥惟欵哉。可特授行尚書左丞。知兗州軍州事。兼管內勸農  
使。管勾兗州仙源縣景靈宮太極觀公事。改賜推誠保德崇仁翊戴  
功臣。仍放辭謝。

章得象罷相。授使相。判陳州制。慶曆五年四月戊申。

朕稽載籍之明訓。見君臣之大方。進惟盡忠。既勤夙夜之力。退必由  
禮。將篤始終之恩。矧茲師尹之臣。久處巖廊之地。屢陳懇素。祈解鈞  
衡。爰以剛辰告于列位。推忠協謀。同德守正。亮節佐理。功臣開府儀  
同三司。行工部尚書。同中書門下平章事。兼樞密使。昭文館大學士。  
監脩國史。兼譯經潤文使。上柱國。京兆郡開國公。食邑八千五百戶。

食實封二千八百戶章得象器懷中裕風度外高編厯仕塗之華雅  
通治道之要自進登於宰席仍抵決於樞庭有經遠之術可以懷異  
俗有厚生之功可以阜濟民方隆嘉靖之風益賴耆明之德而乃慎  
持謙節確避寵名既諒由衷之言莫留俞往之命俾將牙之分閫仍  
相紱之儀朝雖徇雅懷豈忘厚遇於戲義形許國固出處之一心材  
足濟時自文武之兼用勉綏賢履茂對邦休可特授檢校太傅同中  
書門下平章事使持節陳州諸軍事行陳州刺史充鎮安軍節度陳  
州管内觀察處置等使判本州事食邑一千戶食實封四百戶仍改  
賜推誠保德崇仁守正忠亮翊戴功臣

賈昌朝罷相使相判大名府制 慶曆七年二月乙未

丞相之任方國是毗入以贊國之萬機出以副邦之九牧中外更處  
靡有間然推忠協謀佐理功臣光祿大夫行尚書工部侍郎同中書

門下平章事昭文館大學士監修國史兼譯經潤文使上柱國常山  
郡開國公食邑三千戶食實封六百戶賈昌朝敏識造機冲器貫通  
自參口於朝路頗宣力於王家以至講道露門代言西省正尹畿甸  
執法臺端綽有諍臣之風居稔良肱之類御與謀於柄府旋進幹於  
斗樞遂旌乃庸聯陟上下夙夜一至勤勞百為覓剡奏之累陳嘉  
抗懷之莫抑其領元帥之節仍兼丞相之章出殿留都且邇還服易  
上公之美號陪舊食之真風應是寵光副我睦頌於戲公槐鼎鉉既  
極巖廊之崇齊轍路車更分方嶽之寄恩禮之重其有擬乎可持授  
檢校太傅同中書門下平章事使持節鄧州諸軍事行鄧州刺史充  
武勝軍節度使鄧州管内觀察處置等使判大名府兼北京留守司  
事加食邑一千戶食實封四百戶改賜推誠保德翊戴功臣

陳執中罷相除兵部尚書知陳州制

皇祐元年  
八月辰戌



宰物調元久屬三台之老卓名宣化亦繫四岳之良爰以明倫告  
于列位推忠協謀同德守正佐理功臣光祿大夫尚書工部侍郎同  
中書門下平章事昭文館大學士監修國史兼譯經潤文使上柱國  
潁川郡開國公食邑四千八百戶食實封一千四百戶陳執中方厚  
特立敏彊內融諤諤昌言率皆社稷之計琅琅治行遂藹搢紳之聞  
遠登秉於政幾寔罄輸於忠力嚮以河防潰溢民版流移露章上陳  
恪守不易用是躡進省坐之秩擇守輔蕃之封碩於舊臣豈易忘德  
於戲君臣之際惟大義之是先出處之間要令名之所保姑循素欲  
其諒非懷可特授行兵部尚書知陳州仍加食邑一千戶食實封四  
百戶仍賜推誠保德崇仁忠亮翊戴功臣

宋庠罷相進刑部尚書觀文殿大學士知河南府加恩制皇

祐三年三月庚申

君臣謀國本同體以協心朝廷遇賢豈重內而輕外雖在倚毗之重且均勞逸之宜推忠協謀同德佐理功臣光祿大夫行工部尚書同中書門下平章事集賢殿大學士上柱國廣平郡開國公食邑五千三百戶食實封一千九百戶宋庠性稟融明行推沈厚溫如清廟之器挺然大厦之材達於在邦敏而好古而自參綜大務屢聞旨言進領樞衡之司旋升鼎軸之路百度修舉三辰昭華間延對而滙衷累抗章而引謝再加敦諭固守靖夷宜保治於洛師主留司於言鑰仍峻中臺之秩燕勞祕殿之班衍食褒功允為異數於戲麟符分罷一都之寄甚雄天邑居中四方之瞻是則當勤恤隱益勵奮庸可特授行刑部尚書充觀文殿大學士知河南府兼西京留守司事畿內勸農使加食邑一千戶食實封四百戶仍改賜推誠保德崇仁忠亮功臣

文彥博罷相進吏部尚書視文殿學士知許州制皇祐三年  
二月庚子

堯之四岳出總諸侯周有三公外倡九牧蓋咨承弼之重以分方鎮  
之憂推忠協謀同德佐理功臣光祿大夫行禮部尚書同中書門下  
平章事昭文館大學士監修國史兼譯經潤文使上柱國平陽郡開  
國公食邑四千戶食實封一千二百戶文彥博氣識宏深風德高劬  
才足以經世務謨足以告帝歆夙夜勞於百為夷險蹈乎一節荐申  
奏迷戀避寵榮其聽改於近司且往臨於輔郡載嘉勤瘁俾遂偃休  
於戲居則諧鼎味之和行則寄國藩之憲股肱心膂惟體貌之所均  
社稷人民匪忠良而安屬勉祇厥服用究乃功可特授行吏部尚書  
觀文殿學士知許州軍州事兼管內河堤橋道勸農使仍管勾開治溝  
洫河道兼同群牧事加食邑一千戶食實封四百戶仍改賜推誠保

德忠亮姻戴功臣

宋朝大詔令集卷第六十七

宋朝大詔今集卷第六十八

宰相十八

罷免四

龐籍罷相除依前尚書戶部侍郎知鄆州仍改賜推誠保德

翊戴功臣散官勳封食邑食實封制

皇祐五年閏七月壬申

門下圖治之世宜本至公預政之文合防嫌迹矧居四輔之首允在百僚之先苟罹于請之名殊失仰成之意兼泌章削俾解政機推忠協謀佐理功臣光祿大夫行尚書戶部尚書同中書門下平章事昭文館學士兼脩國史兼譯經潤文使上柱國始平郡開國公食邑五千三百戶食實封一千二百戶龐籍志度淵冲業寓明劬韞才謀而敏達更事典以兼通早冀望於本朝荐服勞于近職雅有風采蔚著猷為乃者西州用兵延安近寇屬輕裘而謀帥煩籌筆以制邊戎索

以清夏人來附乃眷西顧予嘉乃勲始召置于樞庭旋擢參于宰府  
閭城無事頗見于匪躬天下既安允膺于注意遂正斗樞之號邁升  
邦鉉之名固宜屬以正方繩于群下而乃親聯交構私謁彰聞逮有  
司之訛詞合杜門而待罪及行釅斷仍失重輕致公議之弗容在人  
言之莫道尚矜舊德兼覽奏函聽避位於台司俾均勞於藩服委東  
平之安輯使樂土之康嘉於戲罷免之科蓋拘於典制進退之禮用  
正於臣隣勉副寬條弗忘成績可特授依前尚書戶部侍郎京東西  
路安撫使知鄆州仍改賜推誠保德翊戴功臣

梁適罷相特授依前行尚書禮部侍郎知鄆州仍改賜功臣  
制至和元年七月戊辰

門下褫機政之煩均屏翰之逸左右修輔善陟恪之久勞內外賜勤  
在眷此之一體爰孚廷號用告朝倫推忠協謀同德佐理功臣光祿

大夫尚書禮部侍郎同中書門下平章事集賢殿大學士上柱國安  
定郡開國公食邑三千五百戶食實封一千戶梁適局致夷通性業  
開典入我故英之選參於業從之華召自北門侍於通閣預贊書於  
明命備進讀于卹噴嘉話納於論思敏用彰于強濟鄰國制閩之效  
推易本兵之司職典樞機地親惟懼函參聞于政道遙敷變于辰階  
出入五年周旋二府苛慝比作變異重仍積有煩言達于予聽曾淑  
聲之莫建在清議之弗平屢上封章求還印綬朕思全進退之禮務  
崇始卒之恩參錄舊勳尚仍前秩以春官亞旅之重涖皇圖右壤之  
雄臨長鄭人班錄漢詔於戲台宰之職任國綱維寰輔之邦陪京襟  
帶徃版茲命尚體至恩可特授依前尚書禮部侍郎知鄭州管内勸  
農使及管內群牧公事提點牛羊司外群牧司仍改賜推誠保德忠  
亮翊戴功臣

陳執中罷相除使相判亳州制至和二年六月

門下代天之任入則宣寅亮之謀分陝以居出則膺藩翰之寄矧予  
宿艾久冠臣隣宜均休逸之恩用昭進退之過具官陳某風猷端粹  
材識敏明早事先朝宴開忠益之路屬予下武麻更機近之繁彌綸  
之效固多直清之望無玷向自上還玉節再陟衮司盡一之規動遵  
於彛憲難進之弊居亮其素懷矧茲年德之高閱勞機軸之任宜授  
符於齊閫乃均寵于宰衡近委介藩增陪邑賦於戲君臣之分固當  
徇于至公中外迭居宴同歸於大任推乃心于王室尚俾熾於壽祺  
往哉汝諧思對休命可檢校太尉同中書門下平章事使持節青州  
刺史充鎮海軍節度青州管内觀察處置等使判亳州軍州加食邑  
一千戶食實封四百戶仍賜推誠保德崇仁守正忠亮翊戴功臣



劉沆罷相授工部尚書觀文殿大學士知應天府制  
嘉祐元年十二月壬午

門下整一節以事君中外之任無間處大臣而有禮進退之禮必優  
矧予輔弼之良方賴股肱之寄屢形懇避嘉敦怒之弗移宜峻罷章  
示眷懷之特異推忠協謀同德佐理功臣光祿大夫行尚書兵部侍  
郎同中書門下平章事監修國史彭城郡開國公食邑四千八百戶  
食實封一千四百戶劉沆質性剛鯁姿材敏明早以藝文策高科於  
異等遂追躋彥騰夷路以飛筆入必侍於清閭出屢更於任任異異  
是則有贊京邑之雄巖巖具瞻遂參廊廟之用乃疇嘉績爰正台司  
孰毀譽不回之心篤於自信勤宿夜匪懈之志久而益勞口方厚於  
倚毗何遽思於退讓宴見之際有言而必誠封章之來雖却而復至  
察其所守蓋亦重違惟茲秘殿之嚴眷乃留都之重既增美秩仍益

真封罷我邇臣斯為異數雖如爾志尚東予衷於戲秉國之鈞居則坐而論道為時耆老往則殿於大邦是惟出處之榮勉服便蕃之命可特授行工部尚書充觀文殿大學士知應天府加食邑一千戶食實封四百戶改賜推誠保德崇仁忠亮功臣散官勳封如故立者施行

文彥博罷相特授檢校太尉同中書門下平章事充河陽三城節度使判河南府加恩制 嘉祐三年六月丙午

門下四輔居中用緝熙於邦采二伯治外亦藩屏於王家雖易地而略殊在殿邦而迭重眷言茂宰未解冢使有嘉靖退之風特舉德優之典兼徽台鉞誕告臣工推忠協謀同德守正佐理功臣開府儀同三司行吏部尚書同中書門下平章事昭文館大學士兼修國史兼譯經潤文使上柱國平陽郡開國公食邑八千四百戶食實封二千

八百戶文彥博格量沖深體用安重資疏通之明識強經濟之敏猷  
卓爾偉才本克生於王國居然奇璞早見器於聖朝拔自時髦經我  
世務歷樹風於方面亟聞政於宰司屬以盜發甘陵氛生朔墨義能  
首奮師以凱還名繫民瞻功惟朕念爰立作相遂正三階之文用又  
於朝乃摠萬樞之務殆分垣翰端受旄旌口幕府於常安委節制於  
全雍眷求奇弼圖任茂勳式序土司復光舊物居百度將明之重比  
厯暄涼在三事弼諧之先尤彰風夜方篤仰成之眷遽陳謝去之章  
諭言且勤誠意頗固興化致治雖資秉質之良均逸徂藩亦廣養恩  
之意姑從所欲仍示寵章榮以鳳池輔之虎節析口津之勞瑞委宅  
中之符書加衍圭田申崇功號志舉口口之數誕昭懋賞之文於戲  
出處之方並揚于休命進止之度有美于庶言往惟欽哉無忘夾輔  
可特授檢校太師同中書門下平章事持節孟州諸軍事孟州刺史

充河陽三城節度孟州管内觀察處置等使判河南府兼西京留守  
司畿內勸農使加食邑一千戶食實封四百戶仍賜推忠保德崇仁  
忠亮翊戴功臣

韓琦罷相除陳鄭兩鎮節度出判相州制

治平四年九月半

朕光宅萬邦肇新駿命正權綱之遠御慎名器之大方眷予宗臣特  
崇異數推忠協謀同德守正亮節佐理翊戴功臣開府儀同三司守  
司空兼侍中昭文館大學士監修國史兼譯經潤文使上柱國魏國  
公食邑一萬二千七百戶食實封四千六百戶韓琦宣昭賢業熙亮  
天工光翊三朝咸有一德材周五則之用體備四時之和社稷是經  
文武惟憲在成功而弗處實有大以能謙存上奏封懇辭政柄頌倚  
毗之厚詔諭數頌而精勤之堅誠辭難奪增寵上階之峻特開兩鎮  
之崇蔽自朕心事非舊典於戲臣行其志茲為自得之全君篤於恩

深惜老成之去無安帥節之乘猶待衮衣之還乃情本朝遐不謂矣  
可特授守司徒檢校太師兼侍中持節陳州鄆州諸軍事行陳州鄆  
州刺史鎮安武勝等軍節度陳州鄆州管内觀察處置營田等使判  
相州軍州事同群牧兼管内勸農使加食邑一千戶食實封四百戶  
仍改賜推誠保德崇仁守正協恭贊治亮節翊戴功臣

富弼罷相除武寧軍節度判亳州判

熙寧二年十月丙申

三台處中以裁萬物之化四嶽總外以牧黎民之蓄如山河之經九  
州如股肱之衛一體出處之際朕無間然推忠協謀同德守正亮節  
佐理功臣開府儀同三司行尚書左僕射兼門下侍郎同中書門下  
平章事昭文館大學士兼修國史兼譯經潤文使上柱國鄭國公食  
邑一萬一千戶食實封四千二百戶富弼復貫有口蹈中弗克學幾  
聖而獨至識造物之未形貴名起於三朝威德儀于百辟嚮召從於

列屏併進相於冢司為日尚斯何恙靡已未及經邦之務遽陳避位之辭詔雖屢而莫回章甫卻而復至朕憮然自念嗟莫能勝既閔勞於政機其聽遂於私佚建武寧之節以殿東郊守景毫之符以長南社仍位鴻鈞之賞尚優黃髮之行於戲不處成功專老氏榮名之畏其旋元吉要義經履道之終雖弗從於吾游可自保於爾福可特授檢校太師依前行尚書左僕射同中書門下平章事鄭國公行徐州大都督府長史武寧軍節度徐州管內觀察處置等使判亳州仍改賜推誠保德崇仁忠亮佐運翊戴功臣

曾公亮罷相建節集禧觀使制 熙寧三年九月庚子

朕躬尋前載之文樂見名臣之節蓋位至者于國公有加于澤民功成者本天道惟在於抑已誕敷贊冊以告治庭推忠協謀同德守正亮節佐理翊戴功臣開府儀同三司行尚書左僕射兼門下侍郎同

中書門下平章事昭文館大學士監修國史兼譯經潤文使上柱國  
魯國公食邑一萬二千一百戶食實封四千二百戶曾公亮懷器適  
時潔身絕類蚤達熙於神運寢發蘊於賢璞膺二后之預言奉沖人  
於大統自初輔政十有五年而四夷守于封疆百姓遂其衣食匪圖  
近歲繼記一誠深據禮經之陳欲還君務而去雖終食而屢嘆卒高  
情之莫回况留侯未衰何遽遺於人事且周公雖老願猶在於京師  
其保宏父之居兼管納言之任高折鉅節遙臨踐土之津間館珍臺  
獨構浮邱之袂於戲以退為進踐天下難儻之風不德其功應君子  
有終之吉往祇茂寵更穆英猷可特授守司空檢校太師兼侍中使  
持節孟州諸軍事行孟州刺史河陽三城節度孟州管内觀察處置  
河堤等使集禧觀使仍改賜推誠保德崇仁守正協恭忠亮翊戴功  
臣仍詔大勅緊銜在曾倫上出入如二府儀五日一奉朝請

韓絳罷相入官知鄧州制熙寧四年三月丁未

門下丞輔之任非端良而罔居典刑之行雖貴近而無間我有明命  
賜於大庭推忠協謀佐理功臣金紫光祿大夫行尚書吏部侍郎同  
中書門下平章事昭文館大學士兼譯經潤文使上柱國南陽郡開  
國公食邑四千三百戶食實封一千二百戶韓絳慮事三朝浸更衆  
職比疇勁正之器進服弼諧之司屬者羌渠陸梁戎候騷動輟自貳  
公之列往定安邊之圖而聽用匪人違監相詔統制忘於懷寡謀  
暴興征師深入荒域卒伍駭擾橫催轉戰之傷丁黃馳驅重疲齋根  
之役邊書旁午朝聽震驚朕以其推忠之勤誠為盡瘁出師之績亦  
已居多方公論之騰喧覽奏封之引咎其仲憲法以解機衛仍舊秩  
於天官殿近蕃於京輔於戲奉使失指雖生事之靡容原誠無他亦  
注懷之素厚往服成命無忘省言可特授行尚書依前吏部尚書知



鄧州軍州兼管內勸農使京西路安撫使提舉本路兵馬巡檢盜賊  
事仍改賜推誠保德明戴功臣

宋朝大詔令集卷第六十八

宋朝大詔令集卷第六十九

宰相十九

罷相五

王安石罷相進吏部尚書觀文殿大學士知江寧府制  
七年四月丙戌

門下入則冠宰路之重百辟之所儀刑出則寄帥垣之尊萬邦之所  
憲法苟非令德奚稱異恩粵予端揆之臣久託機衡之任錫之罷渥  
均厥賢勞推志協謀同德佐理功臣光祿大夫行尚書禮部侍郎同  
中書門下平章事監修國史上柱國太原郡開國公食邑三千一百  
戶食實封八百戶王安石稟明質之資蹈柔嘉之則學問淵博為時  
儒者之宗議論堅明有古直臣之烈間時俸望升冠近司憂勤百為  
夷險一節方籍壯猷之助且觀感化之流遽上封章願還政事確誠

莫奪茂典載加正位天官之職升華殿幄之侍仍加賦邑以重藩維  
於戲納忠告猷卿所素尚尊德樂道朕豈或忘毋怠乃心而不予輔  
可特授行吏部尚書觀文殿大學士知江寧軍府事兼管內勸農使  
兼江南東路屯駐泊兵馬於轄加食邑一千戶食實封四百戶改  
賜推誠保德崇仁翊戴功臣

韓絳罷相進禮部尚書觀文殿大學士知許州制 熙寧八年  
八月庚戌

門下國家登延弼疑內以起工於庶事分畀藩翰外以發政於四方  
閔勞申息倚重均體肆敷丕號庸論廣朝推忠協謀同德佐理功臣  
特進行尚書吏部侍郎同中書門下平章事監修國史上柱國南陽  
郡開國公食邑六千八百戶食實封二千戶韓絳躬莊厚之資涵良  
忱之度脩世美以特立告辰猷而具臧屢陪國均實輔台德嚮自保

登之寄再膺翼亮之咨高早師師提修衆職之采公孫斤斤參聽百  
官之成久宣于勤間憇以疾確辭幾務之劇祈即燕申之休感于朕  
聰姑徇爾欲宜還宰教往建州麾陟春官常伯之尊兼禁殿隆儒之  
冠載更功號增衍并封於戲乃眷臣隣雖爾身之在於不忘壽考豈  
茲心之謂遐其服罷章以將福履可特授行禮部尚書充觀文殿大  
學士知許州軍州事兼管內勅農使京西北路安撫使兼提舉本路  
兵馬巡檢公事加食邑一千戶食實封四百戶仍改賜推誠保德崇  
仁誥戴功臣

王安石罷相拜太傅鎮南軍節度同中書門下平章事判江  
寧府制熙寧九年九月丙午

門下入居丞弼用表儀於百官出總翰藩將師帥於九牧地雖中外  
之異體亦重輕之均推忠協謀同德佐理功臣特進尚書左僕射兼

門下侍郎同中書門下平章事昭文館大學士監修國史兼譯經潤  
文使上柱國太原郡開國公食邑六千六百戶食寶封二千戶王安  
石得古人之風蘊真儒之學卷方深於台甫志彌懋於政經挈持綱  
維糾正法度俄屬伯魚之逝遽興王導之悲引疾自陳丐閑斯確宜  
仍率路之秩載加袞鉞之榮於戲大官大邑以庇身建節雖臨于鄉  
郡嘉謀嘉猷而告居乃心猶在於朝廷約忠不忘懷德甚邇可特授  
檢校太傅依前尚書左僕射同中書明下平章事使持節都督洪州  
諸軍事行洪州刺史鎮南軍節度洪州管内觀察處置等使判江寧  
府兼管内勸農使充河南東路兵馬鈐轄加食邑一千戶食寶封四  
百戶改賜推誠保德崇仁翊戴功臣

吳充罷相進吏部尚書大觀文西太一宮使制 元豐三年三

月乙丑

進惟疇德式圖亮采之功退則均休蓋厚優賢之禮眷予耆昔比奕  
節宣屢抗忱詞力還幾務誕揚子琬布告治庭光祿大夫行尚書工  
部侍郎同中書門下平章事監修國史渤海郡開國公食邑四千戶  
食實封一千二百戶吳充體道靖深秉義莊直朝之碩輔民所具瞻  
常武有經雅重國兵之寄遠猷克濟迄成帝載之熙庶事用康群工  
作又茲新美於法度方倚任於謀謨夙夜協恭左右盡瘁至感晦明  
之瀾未臻藥名之痊祈即便安務和攝禮雖撫循之愈厚願懇款之  
彌堅朕亮矜乃誠閱勞以事進位天官之峻陞華禁殿之嚴衍食爰  
田服休真館寶蕃寵數併示眷恩於戲注意有加朕以爲股肱之義  
尊神自養汝無忘金玉之恩尚惟迪終副乃虛佇可特授行吏部尚  
書觀文殿大學士西太一宮使加食邑一千戶食實封四百戶仍詔  
大朝會計殿中書門下班衣大藩例支添給

蔡確罷相除觀文殿大學士知陳州制 元祐元年閏二月庚寅

門下入則處機衡之崇以佐萬機之務出則膺屏翰之寄以維四國之安粵予同德之臣久托贊元之任均勞申典孚號詔廷正議大夫守尚書左僕射兼門下侍郎蔡確材猷靖深德宇方重躬戛險之一守歷勤勞之百為越升從索之班特被先朝之遇秉鈞黃闥貳令申臺遠冲人踐極之初膺翼室受遺之託方倚舊德協致丕平屢上封章願還機政誠忱甚確鴟諭莫回宜陞殿幄之嚴往正師垣之重以宣惠澤以答賢勞於戲廟堂歷年素亮始終之節股肱一體固無內外之殊往壯茂猷以輔予治可特授依前正議大夫充觀文殿大學士知陳州

韓慎罷相轉觀文殿大學士出知潁昌府制 元祐元年四月

戊子

元首之於股肱始終貴乎一體本朝之視郡國內外均乎為民眷吾  
柄臣父執機務屬有賢勞之懇可無禮貌之優若稽古常昭異寵數  
正議大夫守尚書右僕射兼中書侍郎上柱國廣陵郡開國公食邑  
四千七百戶食實封一千四百戶韓鎮嚴莊毅重而持之以敏職疏  
通博辯而濟之以小心出持明命於蕃宣以綏方面入告嘉猷於帷  
恆以長中振簡自先朝遺予眇德事業之會端揆以居左右朕躬夙  
宵大政方倚謨明之效庶增康濟之期而至誠屢抗於封章自訟恐  
妨於賢路異乎矜功要名而去者尤得難進易退之體烏是用遷秩  
崇階陞華禁殿陪敦邑賦增衍戶封而況鄭璧近邦于門故里為國  
藩輔曾是燕閒之餘乃心王家勿忘啟沃之志於戲成有一德永孚  
于休往其欽哉毋敢朕命可特授光祿大夫充觀文殿大學士知穎



昌府

范純仁罷相觀文殿學士知穎昌府制 元祐四年六月甲辰

百揆居中所以和庶政九牧在外所以阜兆民茲出入之勢有殊而始終之恩無間式敷厥命其告諸朝太中大夫守尚書右僕射兼中書侍郎上柱國高平郡開國侯食邑一千六百戶食實封五百戶范純仁心摠天常道濟民極頸致朝廷之上並收文武之長越進陪於萬機遂升正於三事趙公入相歎先父之遺忠韋氏繼侯嗟後人之愈畏方荷成而熙績遽引疾以退身言雖重禮寔增厚加殿中之近職泄褻內之大州斯崇寵名益懋恩數於戲九德成事無曠官而代天工四國于蕃有良翰而周邦喜位隆者報益重志深者用彌堅勉迪爾猷往宣于治可依前大中大夫充觀文殿學士知穎州府

文彥博太師加兩鎮致仕制 元祐五年二月庚戌

門下周公未嘗之魯老亦居豐留侯晚雖彊食終不任事蓋委寄之  
重初無間然止足之風所不敢廢惟我耆舊厯事祖宗績服之初復  
命以位雖師保之地優佚不煩而邱樊之心朝夕以請布告在位俾  
聞高風太師平章軍國重事上柱國潞國公食邑二萬八千一百戶  
食實封一萬一千八百戶文彥博克孝而忠允文且武其在師旅有  
方名之勲其在朝廷有崇璟之業士民視其去就邊圉震其威名時  
更四朝躬蹈一節先皇帝憇勞以事既許其歸越予訪落之年凜有  
涉淵之志起之既老待以仰成出入五年終始全德進而論道日聞  
典訓之言待以折衝卒靖邊防之警委成功而不處指莫景以求安  
動請屢聞誠心莫奪碩瞻閭井近在洛師郭氏有永巷之嚴裴公有  
綠野之勝豈以替綬之累久致形氣之勞貴極上公既無復加之爵

特異二節宜從近比之優仍廣舊封益衍真食殫盡人臣之罷歸從  
父老之游於戲音聲不遐尚書就問之眷几杖以俟復期親祀之陪  
勿以進退之殊而廢謨猷之告式燕且譽伴壽而康可特援太師開  
府儀同三司河中興元尹充護國軍山南西道節度管內觀察處置  
橋道等使致仕加食邑一千戶食實封四百戶仍令所司備禮冊命

劉摯罷相觀文殿學士知郢州制

元祐六年十一月乙酉

用其言而顯其身所以崇君子之正直進以禮而退以義所以敦大  
臣之始終在國體之宜然實朕心之致慎惟吾宰鴈荐貢囊封根於  
至誠躬乃自厚肆乎明命播告外庭太中大夫守尚書右僕射燕中  
書侍郎劉摯淵源閑博而持之以易良廉隅靜方而迪之以柔則術  
足以熙千載之統謀足以詔萬世之徽越予求助之初嘉乃畫規之  
節衆政是賴爾猷居多謂蕃侯無吐茹之嫌咨之補衮而傳說有朝

夕之誨倚以濟川方垂拱以仰成亦康幾而相救施德云懋歷年未  
養正辭撻叙之繁深服謙光之益抗章弗已陳義甚高易退之風勉  
從厥志是用疏秘殿之華職付東維之鉅藩式均賢勞茲示體貌於  
戲民人社稷無容中外之殊元首股肱固匪明良之異若斧藻其德  
毋金玉爾音乃心王家同底于治可充觀文殿學士知鄂州

蘇頌罷相觀文殿大學士集禧觀使制 元祐八年三月甲申

朕登賢輔弼所以圖幾康之功均逸燕間所以盡始終之遇誕揚成  
命敷告治庭左光祿大夫尚書右僕射兼中書侍郎上柱國武功郡  
開國公食邑三千六百戶食實封九百戶蘇頌蹈德沖和博聞通貫  
樂處厚以敦薄善援古以證今法從宗工儒林祭酒踐更衆職夷險  
一心先朝訓官居獨嘗於清問邇英進請茲有益於多聞實應王人  
之求式觀賢業之功擢從政路進執宰術曾未期年屢求歸老嘉能

遷而安退足戒得以興庶禮雖及於傳家志未輕於去國是用躋華  
秘殿休養真宮腴厥茂恩適其高志於戲優游自裕即解東鈞之勞  
闕夫有聞毋忘補衮之素勉脩茲義允篤于衷可特授依前左光祿  
大夫觀文殿大學士集禧觀使餘如故

呂大防罷相進左光祿大夫觀文殿大學士知穎昌府加恩  
制 紹聖元年三月乙亥

登賢入輔儼師長於天工均逸出藩密股肱於王室視內外之用雖  
異要始終之遇無殊咨適在廷聽予施命右光祿大夫守尚書左僕  
射兼門下侍郎上柱國呂大防凝方重之質富將明之才修責難之  
恭以致君恢邑荒之度以安衆任可大乎賢人之業期永底乎蒸民  
之生夙夜百為優勞一致改元而後與政歷九年之間有國以來首  
相踵三人之久慎乃經德撫我嘉師興言摠覽之初實倚遠猷之助

懇祈避寵難抑能遠是宜躋密殿隆儒之華燕開府陪京之寄崇階  
進秩行食增田膺乃茂恩錄其舊服於殿毋忘君憂不同猷敵之人  
自亮臣忠益厲廟堂之日惟既乃義永增殿休可特授左光祿大夫  
充觀文殿大學士知潁昌府加食邑七百戶食實封三百戶

范純仁罷相右正議大夫觀文殿大學士知潁昌府制 紹聖  
元年四月

門下謀謨廟堂入則股肱於大政偃息藩翰出則師帥於一方維時  
宗工引疾辭位均佚近輔敷告大庭通議大夫守尚書左僕射兼中  
書侍郎上柱國廣平郡開國公食邑三千七百戶食實封一千四百  
戶范純仁端良稟于世資樂易成于天性有砥名礪行之志有面折  
廷爭之風越自累朝寢更革遜監中人之嗣服適文母之仰威咨于  
臣隣付以宥密一踐樞安再持國鈞朕恭已紹庭向明圖治緝熙緒

業追道先猷方有望於弼諧遠固辭於機務重違爾志姑即厥安增  
視秩之榮名進陪封之寵數式隆體貌何吝眷私於戲論道經邦嘗  
在倚毗之地承流宣化勿忘勵翼之心祇服朕言往共爾位可特授  
右正議大夫充觀文殿大學士知潯昌府加食邑七百戶食實封三  
百戶勲封如故主者施行

宋朝大詔令集卷第七十

宰相二十

罷免六

章惇罷相責本官知越州制 元符三年九月初八日辛未

門下奉先者事忘如存追往者送終為大朕祇若先后率循舊章考  
卜自山之陵風命秉鈞之使慮愬有素職墮弗度其孚大庭以詔多  
士特進尚書左僕射章惇早以時望揚于庶工出達聖作之時參陪  
國是之論比以宰衡之任提護容車之行稽留半塗暴露通夕惟適  
不任慨然永懷累上封章自陳誠懇乞還相印出守州符深務矜容  
俯從勤請於戲君臣之分體欲曲全朝野之言替將誰執往祇成命  
服我寬恩可特落尚書左僕射依前特進知越州仍放謝辭

韓忠彥罷左僕射除觀文殿大學士知大名府制 崇寧九年



五月六日庚申

門下入則經體贊元允釐庶績出則承流宣化以迄外庸若特元臣  
往殿近服用獻告於多士其乎命于大廷具官某躬受美材世載令  
問被遇神考冠于儀曹受知恭陵長茲樞府爰始嗣服延登宰司斯  
奉若于先王以克紹于乃辟然士有覆出之惡而人無事上之忠匪  
大猷之是經誰執其咎賴朕志之先定不漬於成封奏繼來人言荐  
至其解鈞衡之重俾司留鑰之嚴仍寵其行用加厥職於戲進退以  
禮無用舍之殊出處惟均何內外之異無替朕命任或惟休可

曾布罷右僕射除觀文殿大學士知潤州制

閏六月辰戌

門下審去就之分者大臣所以盡道優進退之禮者人君所以勸忠  
載嘉次輔之賢申錫偃蕃之命顧內外之或異在體貌以惟均誕布  
策書式孚群聽具官某器識閎博性資聰明早發越于猷為久竣更

於事任從容應物有王佐之才慷慨立朝得仁者之勇被遇神考翔  
翔侍從之華見知泰陵密勿振機之府肆朕續承之始登於昭亮之  
司丕揚繼述之功尤賴將明之助遽露誠悃祈解政機雖眷倚之彌  
加覽封章之屢至眷其有守寔亦重違是用峻祕殿之隆名鎮丹陽  
之之便口遂其休違罷厥勤勞於殿論道經邦居則傲於百辟承  
流宣化出則師帥於一方往服渥恩乃心王室可

趙挺之罷相拜金紫光祿大夫觀文殿大學士中太一宮使

加恩制 崇寧四年二月

按路疇庸方懋弼諧之德琳宮置使用隆均逸之恩乃眷股肱之良  
宜博休貌之厚肆頒明命敦告治庭具官趙挺之篤實沖深剛明博  
達懿文華國早躋禁掖之聯直道事君浸厯憲臺之長謹言屢進正  
色不回辯國是于群邪復熾之秋詒先烈于衆訕愈盈之日雖朕志

之素定在汝言之實難既擢預於政機益輔成于台德履信思順同寅協恭任賢去邪而罔有二心興滯起廢而克諧一德載嘉乃績深簡予衷俾同秉于國鈞遂對持于政柄式賴耆舊永佑隆年乃引疾以力陳復投誠而備至念遠馱尚資於辰告難去朝廷而大臣不可以暑行勉留神館加隆名于祕殿增峻秩于文階衍邑爰田益封真食得推罷教特示春懷於戲愆辭機務之繁閱勞以事聽即祠庭之佚尚嗇乃神往服褒嘉益綏福履可特授金紫光祿大夫充觀文殿大學士中太一宮使加食邑七百戶食實封三百戶勲封如故

何執中罷相太傅致仕加恩制政和六年四月

進則經邦任步宰司之峻退而就第罷丹帝傳之崇保茲名節之全寔乃初終之美其誕揚於渙號用褒顯于宗工具官何執中敦重而有容直方而不撓蘊濟務之圖而將以遠識迪匪躬之操而持以小

心學為儒宗達不聞於雜道材推王佐進必務于輔忠粵祇事于潛  
藩旋登庸于揆路宣王之倚方叔克賴壯猷高忠之式甘盤亦惟替  
學時若格天之業蔚然奠枕之勳承弼八年勤勞百度比既諧于物  
藥方虛佇于贊元有懷知足之規遽起告歸之志露章數上引諭莫  
回祈盡解於政機獲永休于家食閑勞以事思宜乃誠特蕃命數之  
隆庸示老成之厚咸有一德念克底于成功茲惟三公用載光于得  
謝拓封賦邑加食爰疇擁貂冠赤舄之華從鳩杖安車之適眷言碩  
望垂訓無窮於厓下膏澤于民予敢忘于丕績告嘉謀于后爾毋遂  
於遐心祈服珠榮永綏備福可特授太傅致仕依前榮國公加食邑  
七百戶食實封三百戶

鄭居中罷相行服制重和元年閏九月

門下大臣為國之表持躬惟古誼之師聖王因人之情立教以禮經

之訓養言宰輔復自閔艱外殫共政之勤內極慕親之念其字詰綽  
用宣朝申其官某性稟方嚴器涵莊重學術早推于禁路機時備暨  
于樞庭式碑四方允茂昭工之助使宅百揆載深亮采之圖遽與陟  
此之悲爰執居廬之制肆予求舊勉爾斷忌起于苦塊之中付以鈞  
衡之任良非得已今既逾年茲屢有陳懇祈去職屬撫盈成之運宜  
惇順睦之原惟時股肱實首風俗矧君臣相與之際當諒乃心願忠  
孝兩全之難重違所請俾成其志庸慰厥思於感當軸處中既克明  
於進退立身行道尚無替于顯揚徃恚至懷具欽時命可

蔡京守本官致仕御筆

宣和二年六月二十四日

太師魯國公蔡京近年以來章教十上陳乞致仕自夏祭禮畢引疾  
告老又復十數親筆批諭諄誨再四遣官宣押堅卧不起其詞激切  
確然不拔可依所乞守本官致仕依舊神霄玉清萬壽宮使在京賜

第居住其恩禮俸給之屬及見破官吏人從等并依舊仍朝朔望今晚付翰林降制只令具熟狀進入

余深罷相授鎮西軍節度少傅知福州制宣和二年十二月一日

門下熙帝載而宅百揆內嚴論道之崇倡九牧以阜兆民外倚承流之寄碩本末之一致期左右以同寅睦予壽俊之良久處政機之務閱高年而寬委責茲為貴老之先敘大臣而備禮儀式示優賔之厚誕敷丕律播告治庭少傅太宰兼門下侍郎兼充神霄玉清萬壽宮使衛國公食邑一萬一千八百戶食實封三千八百戶余深剛大而粹夷高明而敏達才周繁劇蘊多識以濟時學妙淵源貫群言而博古蚤深王佐之略衆推儒術之規揚禁近之清班躋鈞衡之要路正色率下諒鎮服于未形直道事君嘉啟沃而入獻載登左闥進冠冢

司赫赫具瞻維邦基於柱石萬萬今望定國是於著龜三年有成百  
度惟正賴彌縫之善訓贊紹述之休功方須帷幄之誠遽慕林泉之  
道露章踵至懣懇殊堅術諄諭之甚勤抗忱辭而益固惟尊德樂道  
之義宜罔拂乎朕懷念難進易退之風且重違於雅志是用解上相  
之印受畀中權之節麾亞傅華資仍貴袞衣之寵闔山奧壤允光畫  
錦之榮拓乃邑疆衍之租食於戲曹參遵職嗣與寧一之歌伊尹告  
歸遠思罷利之戒尚仰成於注意毋專徇于遐心繫我宗工奚俟多  
訓可

尊禮

令宰相立親王上詔 太平興國八年十一月甲寅

並建子弟所以蕃屏王室申命輔相所以羽翼公朝藩卹之任雖崇  
的術之寄尤重事分內外須互等差自今宰相序立宜在親王之上

陳升之位文彥博下詔 熙寧二年十月丙申

二府者政事之出也惟是一二股肱之臣日謀謀於廟堂之上皆朕所尊禮之顧其勢豈有重輕哉伏觀仁宗實錄天聖時二府之相猶以其職高下定位則知往者不若今制之拘也今文彥博益朝廷之宗臣朕方倚似彊陸之事雖用陳升之為宰相其令升之仍位彥博下以稱朕遇賢之意故茲詔示想宜知悉

許文彥博位陳升之下詔 熙寧二年十月壬子

朕惟國朝之制雖兵民分于二府然其委用者皆所為執政之臣豈獨相樞密者為使相邪朕嘗慮之故丙申之詔令彥博在升之上所以尊老成而均政體也今彥博數言武臣之例非可同于親王之班有所未便執謙慮損情有莫回予恩惘然雖拒勿得其令中書門下如所請施行



內降付中書省司馬光許肩輿至內東門扶掖入對小殿

左僕射兼門下侍郎司馬光為足瘡妨拜跪已指揮免起居許乘轎子至尚書省等處治事今有劉子舜免可依前降指揮不許辭免乃令閣門告示許肩輿至內東門外令男康扶掖至小殿引對特免起居引見前一日聞奏

內降司馬光入對小殿

三省同奉聖旨令乘轎子至崇政殿門外於延和殿垂簾日引對餘並依前降指揮

賜文彥博恩禮詔 元祐元年四月壬寅

朕紹宣皇緒臨御寶圖涉道未明罔知攸濟乃瞻元老弼亮三朝功被生民名垂當世天錫眉壽既艾而冒宜還師臣輔我大政已降旨授太師平章軍國重事可一月兩赴經筵六日一入朝因至都堂與

執政議事如遇有軍國機要事即不限時日並令入預參決其餘公事只委僕射以下僉書發遣俸賜依宰臣例

文彥博呂公著免拜詔 元祐二年八月己亥

朕聞几杖以優賢著之典禮蓋老無下拜書於春秋魏太傅鍾繇以足疾乘車就坐自爾三公有疾以為故事而唐司徒馬燧亦以老疾自力對於廷英詔使毋拜今吾耆老大臣四朝之舊德隆而望重任大而憂深者惟卿與公著而已方資其著龜之告豈貴以筋力之禮今後入朝凡有拜禮宜並特免卿其專有為之報略無益之宜毋或固辭以稱朕意故茲詔示想宜知悉

文彥博呂公著辭不拜恩命允詔 元祐二年八月丁未

省表具之朕優禮師傅達德齒之尊以亟拜為可略古之道也卿嚴肅朝廷謹君臣之分以不拜為未安禮之節也道並行而不悖義有

重而難移勉徇所陳不忘嘉歎所請宜允

太皇太后答文彦博呂公著不拜恩命許詔 同上

覽表具之抑陛簾之儀重股肱之任陞庶遠則堂皇峻股肱遠而元首安故出異恩持錫奇禮而卿深執躬兵立守典刑確然自陳義不可奪勉從其意愧嘆於中所請宜許

太師京三日一造朝御筆政和六年五月十四日

太師京近三上章劄乞致仕親札詔書不允所請仍止來章兼面諭再四意確未回京位三公長為帝者師然三省機政事無巨細自合摠治外可從其優佚之意自今特許三日一造朝仍赴都堂及輪往逐省通治三省事以正公相之任事畢從便歸第

太師京五日一朝次赴都堂治事諸細務特免簽書 政和七

年十一月空日

太師魯國公京自載還廟于今七年社稷之重寄于師臣風雨時  
若地平天成宵旰無虞垂衣裳而天下治此陶鈞之力也過者章數  
十上卻之復來繼以消息盈虛之理告老乞骸期於得請而後已朕  
禮老元老義均休戚不欲固違尚繫重柄有煩參訂其諸細務特免  
簽書可五日一朝次赴朝堂治事恩禮寵數並仍舊制

宋朝大詔令集卷第七十

年列不書个身一

山阿院去五十一  
个五十五十三天也